

中
藏
經
下



中藏經卷第五

漢華佗元化撰

上虞徐舜山重校

察聲色形證決死法第四十九

凡人五臟六腑榮衛關竅宜平生氣血順度循環無終是爲不病之本若有缺絕則禍必來矣要在臨病之時存神內想息氣內觀心不妄視著意精察方能通神明探幽微斷死決生千無

一誤死之證兆具之於後

黑色起於耳目鼻上漸入於口者死

赤色見於耳目額者五日死



黑白色入口鼻目中者五日死

黑或如馬肝色望之如青近則如黑者死

張口如魚出氣不反者死

循摸衣縫者死

妄語錯亂及不能語者死熱病卽不死

尸臭不可近者死

面目直視者死

肩息者一日死

面青人中反者三日死

面無光牙齒黑者死

面青目黑者死

面白目黑者十日死

面赤眼黃卽時死

面黑目白者八日死

面青目黃者五日死

眉系傾者七日死

齒忽黑色者三十日死

髮直者十五日死



中山
醫作

遺尿不覺者五六日死

唇口乍乾黑者死

爪中青黑色死

頭目久痛卒視不明者死

舌卷卵縮者死

面黑直視者死

面青目白者死

面黃目白者死

面目俱白者死



面目青黑者死

面青唇黑者死

髮如麻喜怒不調者死

髮眉如衝起者死

面色黑脇滿者不能反側者死

面色^倉黑卒腫者死

掌腫無紋臍腫出囊莖俱腫者死

手足爪甲肉黑色者死

汗出不流者死

倉脉
正蒼



唇反人中滿者死

陰陽俱絕目匡陷者死

五臟內外絕神氣不守其聲嘶者死

陽絕陰結精神恍惚撮空裂衣者死

陰陽俱閉失音者死

榮衛耗散面目浮腫者死

心絕於腎肩息回盼目直者一日死

肺絕則氣去不反口如魚口者三日死

骨絕腰脊痛腎中重不可反側足膝後平者五日死

骨節汗

有誤



腎絕大便赤澁下血耳乾脚浮舌腫者六日死又曰足腫者九日死

脾絕口冷足腫脹泄不覺者十二日死

筋絕魂驚虛恐手足爪甲青呼罵不休者八九日死

肝絕汗出如水恐懼不安伏臥目直面青者八日死又曰
即時死

胃絕齒落面黃者七日死又十日死

凡此察聽之更須詳酌者矣

藥方

曼應圓

甘逐 三兩

芫花 三兩

犬戟 二兩

巴豆 二兩 去皮

乾漆 二兩

皂角 七挺 去皮

大黃 三兩 煨

三稜 三兩

蓬莪茂 二兩

檳榔 一兩

木通 一兩

當歸 五兩

雷丸 一兩

黑牽牛 五兩

桑白皮 二兩

五靈脂 五兩

礞砂 三兩

訶子 一兩 煨熟去麩

澤瀉 二兩

梔子仁 二兩

右各洗丁細剉入米醋二升浸三日入銀石器中慢火熬令

醋盡焙乾再炒黃黑色存性入後藥同為末如後

木香 肉桂 陳皮去白 丁香 青皮去白 肉豆蔻

黃芪 白朮 沒藥 附子炮裂去皮 臍各一兩 芍藥

川芎 白牽牛炒 天南星水 鱉甲醋製浸 炙令黃

熟地黃酒浸 一宿 牡丹皮 赤茯苓

芸薹子炒 乾薑各二兩 炮裂去皮

右同為末醋糊丸菉豆大用在後須至誠靜室中合方驗也

結胸油漿水下七丸未動再服

積殯食癥水下三丸



下高作

水氣通身腫茯苓湯下五丸

膈噎丁香湯下三丸

因積成勞驚風湯下二丸

腹下一切痛醋湯下七丸

小腸疝癖茴香湯下三丸

大小便不通蜜湯下五丸

心痛茱萸湯下五丸

卒死以小便下七丸

白痢乾薑湯下一丸



赤痢甘草湯下一丸

胃冷吐食丁香湯下二丸

大靈治傳尸明月丹

按大靈者蓋天靈

雄黃半兩

兔糞二兩

天靈蓋一兩

驚甲製一分

木香半兩

輕粉一分

右爲末用法酒一大升大黃半兩熬膏入煎藥爲丸彈子大

按法酒者加酒而釀酒也史記有法酒與此義不同

硃砂爲衣傳尸勞肌瘦面黃嘔吐咳嗽不定先燒安息香

令烟盡吸之不嗽非傳尸也不可用此藥若烟入口咳而

不能禁止乃尸也宜用此藥五更初服勿使人知以童子



北京中醫藥大學圖書館藏

小便同酒共一盞化一九服之如人行二十里止吐出
其狀如燈心而細長及寸或如爛李又如蝦蟆狀各不同
未効次日初服以應為度

解勞生肌進食活血養心地黃煎丸

生地黃汁五升

杏仁汁五升

生薑汁五升

藕汁五升

薄荷汁五升

鵝梨汁一升

法酒二升

沙蜜四兩

右慢火熬成膏入後藥

柴胡三兩洗去蘆

木香

人參

胎上疑
胎妙字

同當作

茯苓

遠志去心

秦艽二兩洗
去蘆

麝香半兩
細研

山藥

白朮

桔梗

栝子仁微炒
另研

枳殼各一兩浸去
濃切麪黃

熟地黃四兩酒浸
一宿切焙

右九如桐子大每日食後甘草湯下二十丸

癥瘕

大黃濕紙
裏煨

礞砂

三稜濕紙裏煨
乘熱細切

乾漆炒至
烟盡

巴豆去皮出油
各一兩

入醋一升熬成膏入藥如

後



木香

丁香

枳殼
去穰切
麩炒黃

官桂
各一兩半

右同丸如菜豆大米湯下三丸

通氣阿魏丸方

阿魏
二兩
酒熬

沉香
一兩

桂
半兩

黑牽牛
一兩
炒

右將阿魏先熬成膏次入前藥和丸如櫻桃大硃砂爲衣一

丸酒化下諸氣不通胸背痛結悶亂宜

醉仙丹治偏枯不遂皮膚不仁

麻黃水煮焙乾為末一兩

天南星七箇炮

黑附子三箇炮去皮

地龍七條去土

右除麻黃先為末次將麻黃末入酒一升熬成膏入前末丸

如彈子大每日食後臨臥酒化一兩汗出效偏枯不遂皮

膚不仁者皆由五官虛氣風寒暑濕之邪蓄積在中久而

不散乃成疾焉

破黃七神丹

朴硝二斤

硃砂五兩

大黃七兩濕紙裏煨

梔子二兩

豆豉半升以絹袋盛之甘遂二兩



膩粉 一兩

右水二斗熬令水盡除甘遂鼓梔子大黃只取朴硝硃砂粉末丸彈子大每一丸水化下以吐瀉爲度

暴喘欲死方

大黃 一兩濕紙裏煨

牽牛 二兩炒

右爲末蜜水調二錢立止此方治上熱痰喘虛肺寒冷胃不

可用

暴喉閉氣欲絕

乾漆 炒冷烟筒子吸之

